



Kultureqarnermut, Ilinniartitaanermut, Ilisimatusarnermut Ilageeqarnermullu
Ataatsimiititaliaq

**UPA 2026/37-p suliarineqarneranut atatillugu Ataatsimiititaliap Naalakkersuisunut
allakkatigut apeqqutaanut akissut**

15-05-2026
Suliap nr. 2025 - 17238
Akt nr. 26495084

Asasakka Kultureqarnermut, Ilinniartitaanermut, Ilisimatusarnermut Ilageeqarnermullu
Ataatsimiititaliamut ilaasortat.

Postboks 1029
3900 Nuuk

Oqa.: +299 34 50 00
Email: ikin@nanoq.gl
www.nanoq.gl

Siullermik Naalakkersuisut sinnerlugit oqaluuserisassaq 2026/37 pillugu
Kultureqarnermut, Ilinniartitaanermut, Ilisimatusarnermut Ilageeqarnermullu
Ataatsimiititaliap apeqquteqarneranut qujarusuppunga.

Attaveqaasersuutitut, Ineqarnermut, Isorliunerusunut Upalungaarsimanermullu
Naalakkersuisoqarfimmit akissuteqarnermi ilanngussassanik qinnuteqartoqarpoq,
apeqqutit Attaveqaasersuutitut, Ineqarnermut, Isorliunerusunut Upalungaarsimanermullu
Naalakkersuisup oqartussaaffiata iluaniimmata.

Ataatsimiititaliap apeqqutaata ataani akissutit atuarneqarsinnaapput.

**Apeqqut 1. Esportimik ingerlatsisut pitsaannerusumik atugassaqartinneqarnissaasa
qulakkeerneqarnissaa siunertaralugu Tusassip suliassaqarfiani aaqqiissutissanik
pitsaannerusunik Naalakkersuisut saqqummiussilersaarpat?**

Akissut: Nalunaarasuartaatikkut atassuteqarnerup nalinginnaasup nunap iluani tamarmi
siunertanilu tamani pitsanngorsarneqarnissaa Naalakkersuisut sulissutigaaat.
Nalunaarasuartaatikkut atassuteqarnerup nalinginnaasup nunap iluani tamarmi
siunertanilu tamani pitsanngorsarneqarnissaa Naalakkersuisut sulissutigaaat. E-sportimik
ingerlatsisut pitsaannerusunik sinaakkutissaqarnissaat taamaallaat pillugu
nalunaarasuartaatikkut atassuteqarnerup pitsanngorsarneqarnissaa Naalakkersuisut
pilarsaarutigingilaat.

On-line-ikkut pinnguaatit assigiinngitsut nalunaarasuartaatikkut atassuteqarnermut
pisariaqartitsinerat Attaveqaasersuutitut, Ineqarnermut, Isorliunerusunut
Upalungaarsimanermullu Naalakkersuisoqarfiup ilisimavaa, pingaartumik on-line-ikkut
eqqaassilluni pinnguaatit sukkaasuumik akisinnaassuseqarnissamik pisariaqartitsipput,
kisiannili pinnguarnermi periarnertit nassiunneqarneranni kinguaattoorneq annikitsaq
tamatigut pisarpoq.

Kinguartoornermut attaveqaasersuut atorineqartoq apeqqutaavooq, pingaartumik
ungasissumut attaveqaqatigiinnermut atorineqartunut (immap naqqatigut kabelit, radiut
atassuteqaqatigiiaat aamma qaammataasat) kiisalu aappassaattut najugaqarfimmi
ataqatigiiaanut sumiiffimmi attaveqarnermut.

Immap naqqatigut kabelit sivikinnerpaamik kinguaattoortitsisarput, qaammataasanulli attaveqaatit sivilunerusumik kinguaattoortitsisarlutik. Nassiussinermi kinguaattoornerup sivilussusianut sunik attaveqaasersuuteqarneq peqqutaasarpoq, ungasissumullu attaveqaasersuutit (immap naqqatigut kabelit, radiut atassuteqatigiiaat aamma qaammataasat) peqqutaanersaasarmata najukkami attaveqaatinut ikkussuinerit qanoq ittuunerat kinguaattoornermut tulliullutik peqqutaasarput.

Nunarsuup kaavinnera malillugu qaammataasat kaaveqataasut, soorlu Greensat-i, qaammataasanut nunarsuatsinnut qaninnerullutik sukkasuumik kaavittunut (Low Orbit Satellites, soorlu OneWeb) naleqqiullutik kinguaattoornermik sivilunerusumik pilersitsisarput. Aammattaaq immap naqqatigut kabelitit attaveqaqatigiinnermi ungasissuseq apeqqutaalluni kinguaattoorneq annertusiarportarpoq. Pissutsit taaneqartut peqqutaallutik pitsanngorsaasinnaanerup annertussusia killilerneqartarpoq.

Aammattaaq spillertup najukkamini oqarasuaatitigut attaveqaasersuutai kabelit atorlugit ingerlanersut imaluunniit silaannakkut nassitsinikkut ingerlanersut kinguaattoornermut peqqutaasarput, tassami kabelit qaamanermik nassitsisartut silaannakkut nassitsinermit aamma kanngussak atorlugu kabelitigut nassitsinermit sivikinnerusumik kinguaattoortitsisararmata. Suliffeqarfiiit naammassisaqarsinnaanerit annertusarniarlugu aamma oqarasuaatitigut attaveqaasersuuteqarneq akikillisarniarlugu nuna tamakkerlugu silaannakkut attaveqaateqarnermut Tusass A/S ingerlavoq.

Apeqqut 1 a. Apeqqummut tunngatillugu Naalackersuisut allanik oqaaseqaatissaqarpat?

Akissut: Naamik.

Apeqqut 2. Esportimut pitsaanngitsumik kingunerluutaasinnaasut Naalackersuisunit itisilerneqarsinnaappat?

Akissut: Apeqqut Ataatsimiititaliap apeqqutaanut 1-imut Naalackersuisut atasoraat.

Inoqarfiit najugaqarfiusut akornanni oqarasuaatitigut attaveqaqatiginnerup E-sportimik ingerlataqartoq pitsaanerpaamik tapersorsinnaanngippagu, ataasiakkaani najugaqarfinneersut E-sportimik ingerlataqartut E-sportimik aaqjissuussinerni peqataasinnaanerit ajoquserneqarsinnaavoq.

Inussiarnersumik inuulluaqqusillunga



Nivi Olsen